

愚

齋

存

稿

愚齋存彙卷第三十九目錄

電報十六

張香帥來電

寄劉峴帥

寄英羅使俄楊使美伍使日李使法裕使

寄濟南袁慰帥

俄京楊使寄總署電

劉峴帥來電

寄福州善星源將軍

寄蘇浙甯皖鄂贛各督撫電

袁慰帥來電

寄劉張二帥

劉峴帥來電

東京李星使來電

李中堂寄駐俄楊使電

寄江鄂劉張二帥

寄江鄂東督撫帥成都綽將軍奎樂帥

劉峴帥來電

又

張香帥來電

又

東京李星使來電

寄江督劉鄂督張東撫袁

寄劉峴帥

寄劉峴帥張香帥袁慰帥

東京李星使來電

寄袁慰帥

張香帥來電

寄袁慰帥

寄東京李星使

李中堂致張香帥電

寄蘇杭甯皖鄂川陝甘各帥

寄東京李星使

寄劉峴帥

東京李星使來電

鄂督張香帥致李中堂電

李中堂覆張香帥電

張香帥來電

袁慰帥來電

又

寄劉峴帥張香帥

又

劉峴帥來電

寄德州黃花農觀察轉保定廷護院

江督劉峴帥致李傅相電

李傅相覆峴帥電

閻善將軍來電

袁慰帥來電

劉峴帥來電

寄北京慶親王

寄江鄂蘇浙皖川各督撫帥

寄福州善將軍

寄劉峴帥張香帥

張香帥來電

劉峴帥來電

又

張香帥來電

寄劉峴帥

張香帥來電

又

寄江鄂皖督撫帥

李中堂寄倫敦羅使日本李使電

保定廷護院雍來電

張香帥致李中堂各將軍督撫電

李中堂寄倫敦羅使電

袁慰帥來電

張香帥來電

又

寄江鄂劉張兩帥

劉峴帥來電

王灼帥來電

袁慰帥來電

劉峴帥來電

又

張香帥來電

袁慰帥來電

寄蘇甯東皖鄂湘贛川陝甘新成都各將軍督撫帥

寄江鄂東三省

劉峴帥來電

袁慰帥來電

寄江鄂皖東督撫帥

寄劉峴帥

寄保定楊藝舫都轉

劉峴帥來電

袁慰帥來電

又

又

李中堂寄江鄂兩督電

劉峴帥來電

寄劉峴帥

寄濟南袁中丞

劉峴帥來電

寄太原王中堂

寄西安端中丞

寄東京李星使

寄俄京楊星使

張香帥來電

寄成都奎樂帥

寄劉峴帥張香帥

保定探員呈李中堂電

愚齋存彙卷第三十九

電報十六

張香帥來電

光緒二十六年七月十六日兼致李中堂劉峴帥

杏翁翰電悉擬四人聯銜致各國外部電稿極妥

請峴帥速發

寄劉峴帥

七月十六日

西摩訂明日始見余道聞印兵頭隊今日由港來滬各國均不平西摩詭言公面允沙侯乃照准滬市全壞無計挽救如內地有事彼必藉詞進兵助勦仍乞認真嚴辦土匪而已

寄英羅使俄楊使美伍使日李使法裕使七月十六日
滬租界雖各國公同保護自滬至長江我力任保護斷
無匪類溷入現泊洋艦二十號英居多又聞印兵二千
將到滬商民驚徙恐致市廛一空各埠難保不誤會生
事商務大礙請速商外部勸止

寄濟南袁慰帥

七月十六日

東線全仗鼎力保護藉通軍報不特弟感激諸帥皆敬
佩六月起濟南至滬出洋報在出使經費項下撥價請
咨總署及敝處立案弟已飭濟南局按月造冊送敝處
赴滬道彙領至軍務報向由本省發款准可報部開支

不必請部示

俄京楊使寄總署電

七月十六日

外部云接格使電請示行止伊已發訓條准離北
京惟須中國政府擔保護送平安抵津倘中途遇
有不測則是有意陷害必大決裂等語伊致格一
電乞代送請轉總署

劉峴帥來電

七月十七日

英調兵事西脫電復今日與余道會商現復電云
前因孫領事面言美擬調兵來各租界英亦不得
不調兵當以美英或有成約切囑務宜從少費軍

門保商務本大臣保地方皆欲力求安靜是以遇事無不推誠和商凡可通融亦無不竭力辦理今貴國調兵來滬各國既均不願是美國並無先欲調兵之意可知滬上民心甚爲驚惶當爲貴軍門所深知各口亦復因此震動一國之兵民情已如此驚懼若各國復有援此而來民間更不知若何駭畏商務減色地方不靖實深焦慮不得不請免調以示鎮靜貴軍門和平明白熟悉中外情形當必以本大臣之言爲然務望設法妥籌已行者如何折回未動身者卽行阻止不勝盼禱之至等因

並電余道照此與商矣

寄福州善星源將軍

七月十七日

寒電甚佩洋兵進楊村馬敗李相授全權議和德因戕
使俄因拆鐵路挾大志恐送使使不出全權權不行不
到京兵不止此次滿帥僅公與奎帥端帥洞悉拳匪不
足敵八國挽回 聖聰似不可無公名而電局多落後
遇有李劉張會陳大局之件可否先代列名再寄稿決
不孟浪

寄蘇浙甯皖鄂贛各督撫帥

七月十七日

峴帥篠洽謹悉西摩面交余道節略謂二千兵港已行

難改餘不續調霍必瀾謂江浙如有匪動官兵不足洋兵卽可助戰武員喜事可慮但求土匪不起卽起卽滅方免枝節

袁慰帥來電

七月十七日

探報十二早失楊村裕壽帥中礮亡各軍退駐蔡村云

寄劉張二帥

七月十八日

木齋篠電頃陸軍參謀次長寺內正毅自津歸告錢監督恂云中國須從速特派有威望重臣曾辦交涉素爲外人推服者面承諭旨隨帶員弁親赴前敵與聯合

軍總統晤宣布 朝廷議和之意并商辦送使一件據
伊看來各國當可允停戰然後各派全權與傅相議款
非此辦法停戰恐難從前德法之戰亦是先派大員止
戰另派全權議款等語並囑電陳聞戰事歸陸軍主持
故外部不便明說可否上陳乞鈞奪鐸云此與美電相
合洋兵十一已抵楊村到京不多時日即使兵臨城下
此著亦必應預備能早一步好一步重臣之外或添派
赫德可否請會奏傅相昨已將美電轉陳似可不再列
銜

劉峴帥來電

七月十八日兼致滬道

西摩調兵後謂內地有匪不難調兵助勦此事萬不能行敝處屢與孫領聲明彼亦謂然晉珊面駁極是惟兵數二千實覺太多深恐別生枝節此事已由晉珊駁阻彼未就範若再由晉珊與商設彼仍不允益使晉珊爲難以後辦理交涉處更難順手現已電囑和甫姑再商阻望將此事始末詳告和甫成否難必姑盡人事而已

東京李星使來電

七月十八日

敵軍約萬八千將至蔡村聯軍總統聞改德將瓦爾迪吉昨電一節彼意殆謂須有面奉諭旨之

員方可與各將議停戰傅相未入京議和之旨
恐各國不信寺內所言意在榮相單騎見虜古人
所稱但夷情難測亦未便輕率從事張燕謀聞在
京或令赴前敵或派他員與福島先商較妥仍乞
密達並將昨電代陳傅相爲叩東報頗傳西巡確
否

李中堂寄駐俄楊使電

七月十八日

眞元兩電轉奏未復初八旨令商停戰日本復
稱須電詢各國政府意見商酌後方能答復想俄
語亦同現兵進不已北倉潰後楊村繼潰裕督陣

亡似難中止都城恐已慌亂如能不遷爲妙俄領
事密稱奉國命派大快船候接望先道感謝俟各
國復電到齊卽暗度陳倉前途有俄員照料當無
險阻惟各國兵業將進京未知伊何人主議未免
爲難可否摘要電告稷臣候復

寄江鄂劉張二帥

七月十九日萬急李傅相會電

聞洋兵必要追截護駕諸公兵臨城下在十日內今早
電會奏稿必須列大名爲是乞速電慰帥明日繕發遲
則不及

寄江鄂東督撫帥成都綽將軍奎樂帥

七月十九日
李傅相會電

小田切密告聯合軍恐拳黨擁駕西行已分兵間道截擊羅使電沙侯仍准酌派洋兵用白旂停戰至京都城外接使不入城等語效電會奏遷不遷關係存亡大局實有證據諸帥皆救時同志宜無不願列銜但危急已至極處若稍拘泥延誤恐主權旁落東南亦亡閩粵蘇皖均願列名請峴帥香帥速電慰帥卽可繕發綽奎兩帥前奏願列而不及可請慰帥繕入速遞迫不及待必蒙原諒

劉峴帥來電 七月二十日

效電悉此事雖非外吏所當言至此亦不敢不言

坤願列銜惟政出多門恐非到萬分不堪地步不易辦到仍祈傅相一面密商各國洋兵若至京當認定救使勦匪宗旨勿擾宗社勿驚兩宮致傷中國臣民之心至叩

又七月二十日

此次事變始終誤於主持拳匪之人與匪相依爲命而挾至尊爲重無論在京西幸萬難離開統觀各國回電兵不到京不止不得主持拳匪之人不止然決無侵犯至尊之意爲彼設想此說尙屬可信若千里蒙塵則意外之禍豈獨外兵追襲已哉

事已至此尙何顧惜賤名已附香帥負中外重望
仍祈電袁曾奏共挽危局

張香帥來電

慰帥

七月二十日兼致李中堂劉峴帥袁

傅相效已電悉西幸洞不諫阻拳匪護送則洞必
諫阻究經有人勸上西幸令匪護送云云是何人
勸洋兵邀截云云是何處信務望密示方好斟酌
抒其管見惟阻拳匪扈駕則可阻西幸則不可匪
扈固須防催汜之禍不西幸又須防懷愍之禍若
阻西幸洞不敢附名中堂當有良策總之此時無
論在京或西幸須令
聖駕與拳匪離開方好

請將電奏稿電示以便酌復切盼

又七月二十日

頃效申電想達覽拳匪從行不惟洋兵追截必至到處擾亂若言西幸不宜令拳匪扈衛則正合鄙見洞願列名若阻西幸則洞不列名祈將電奏稿速示

東京李星使來電

七月二十日

探聞敵軍分北河兩岸進犯馬頭日內卽犯通州至通後各統將須會議如各使尙存二聖雖已西巡敵軍入京仍可與留守大臣及東南各帥

議款定後英日執言責俄以還東三省侵地不允則戰俄如入京後各使不保則焚毀燕都分兵蹂躪長江以報怨乃定議分裂大局瓦解矣愚見存亡呼吸惟有西巡以存國體保使以全人民戰俄以保土地三事之中尤以保使爲樞紐此外別無良策乞呈傅相並轉榮相江鄂兩帥極力維持以延國脈是叩萬一禍變不測公宜急商各帥運餉械遷人民於內地堅壁清野激勵民團以防猝發然後從容計議設法圖存鄙見如此尙乞裁酌

寄江督劉鄂督張東撫袁 七月二十日

洋兵過河西務已抵安定只得照英美日電卽派重臣
赴敵軍聲允援使勦匪請京外停戰送出各使與全權
大臣商議辦法兵勿入城免驚 兩宮致傷天下臣
民之心除由傳相電各國外效電會奏關係甚重峴帥
號電痛切至矣盡矣究竟慰帥已發否香帥列銜否念
極急極

寄劉峴帥

七月二十日

頃和甫來言已與西摩說明只五百人上岸紮楊樹浦
仗公盛德可免他國派兵矣

寄劉峴帥張香帥袁慰帥

七月二十日

聖駕本不欲行袒匪數公請行護駕其名也護黨其實也尊慮洋兵進截必致到處擾亂誠然且兩宮豈堪受此驚嚇聖駕在京照沙侯說洋兵至城外不進京自能使拳匪四散一勦卽了如此奏能動聽傅相卽擬航海赴京勿驚兩宮勿礙宗社看各國來電似可做到會稿本應請兩帥酌改但洋兵將逼若再挨延禍不旋踵是臣子拘小節君父受大禍誠何忍哉香帥如另有所陳可否請速電慰帥列名仍單銜另奏庶免耽誤乞速復

東京李星使來電

七月二十日

蜚英館呈密電本東三省不保則各國從前指定
不割讓之地均須侵削據守瓜分之局遂成英派
兵至滬正因俄攻東三省之故欲免瓜分欲保東
南必以拒俄爲要著連日各黨暨同文會員均來
言華如決計戰俄則英日當籌軍械遣士官相助
鐸告以如政府明言卽當據以上達否則不便頃
佐友房來言俄與各國聯軍約救使而別以兵奪
地爲各國所大恨中國若移京津大軍赴奉可得
英日美之助德未可知法當中立鐸謂須停戰乃
有辦法佐謂各使未出恐難止兵但聯軍入京中

國退守其禍尙輕若俄據奉則各國同時分裂事
不可問輕重懸殊且聯軍至京後合從必解此時
惟請廷議主持戰俄將俄人無理宣布中外明
旨決戰必爲各國所許款乃易成一面仍商停戰
略有眉目移軍北向保全實多並自任當糾合議
系與政府力言政府不能不允等語竊思今日危
局正慮寡助我不戰俄未必得俄助我戰俄尙可
得二三國之助我不拒俄英日亦必拒俄我不宣
戰俄亦斷不罷戰且北邊失則東南難保所關尤
重聞日廷意本相同但未便明說此次議和俄德

事總當另結拒俄宣戰於款議似無出入可否密
達傅相榮相劉張二帥酌奪辦理並懇榮相示復
以慰彼邦之望事倘有濟中國之幸東亞之福惟
電各處務極秘防不密之害至禱

寄袁慰帥

七月二十日

洋報十四聯軍過河西務計日犯京請探 聖駕有無
挪動董軍是否出都拒敵使館何人保護所關甚大

張香帥來電

七月二十日兼致李傅相劉峴帥袁慰帥

傅相效電奏稿讀悉大意力阻

兩宮西幸由

京速派重臣添派赫德議止戰准洋兵到城下接

使耳惟諫阻西幸一節乃傳相萬不得已出奇解
懸之策誠非庸俗人所敢出但未免近於萊公孤
注之舉查前接呂使電述德外部語矢取北京望
奏 朝廷速離危地等語是外國尙以北京爲危
我豈可反以爲安西幸誠非上策尙可暫避其鋒
此次洋兵非進京城不止各國之兵至少一萬必
然圍守皇城索閱詔奏逞威洩憤卽云不加干犯
陵侮難堪震驚可想況亂匪亂兵稍有生事彼必
肆行開礮宮禁之內難保平安此次攻天津英用
毒藥礮傷人甚慘俄兵殘殺尤甚恐所謂不干犯

之說洋兵亦自無把握且兩宮身在圍中將來議約惟所欲爲焉能立國查咸豐庚申聖駕北狩熱河和約係留京王大臣議定是西幸以後仍可議約若一面西幸一面止戰接使似較穩便至瓜分與否但看數大國宗旨似不在遷與不遷惟拳匪隨行誠慮洋兵追擊如籌有善策可令拳匪與聖駕離開最善祈籌示總之兩宮不出萬分危險鄙見愚昧實覺惶駭不安此奏洞萬萬不敢列名請慰帥務將賤名刪去並請傳相再與詳商候其復電允許方可列入尤望中堂賜教

盼禱

寄袁慰帥 七月二十一日

奉兩號電榮旣力阻或可不行日兵留則護宮行則截
拳望速探行止傳相候信卽行

寄東京李星使 七月二十一日

寄電傅相已摘寄榮相力請保使俄兵甚虐如入京護
宮惟日是賴

李中堂致張香帥電 七月二十一日

號電悉呂使速離危地之語未聞只續電謂保護
兩宮耳拳匪與 聖駕離開無人能說亦必

不聽諸帥列名者皆有復電矣萊公孤注究竟得失何如公自有見未會銜

寄蘇杭甯皖鄂川陝甘各帥

七月二十一日

十五京探報董軍已出京迎敵護館有中軍五營榮相令不准擅擊洋人 駕尙未動云

寄東京李星使

七月二十一日

蓋熊姓琿愛均俄踞佐言極是但華兵傷餘難當大敵止能助戰傅相則云樞忙中難著力屬勿轉

寄劉峴帥

七月二十一日

萃伯因許袁事未行

東京李星使來電 七月二十二日

連日與日廷苦商兵勿入京以免宮闈震驚人民
塗炭外部乃允保護 兩宮參謀部云外兵到
通後都中無論何員速派一人赴前敵止戰當可
停兵待商等語乞告傅相惟說各處皆以拒俄立
論前電仍望速達榮相如能得復將來議款等事
方好著手連日都中消息乞密示

鄂督張香帥致李中堂電 七月二十三日

擬各督撫聯銜致駐英法俄德美日本各國中國
欽差電云各督撫聯銜致上海各國領事電請卽

轉送外部其文云頃接烟台電聯軍十九據通州
擬攻東直門等語查現在並未得我 兩宮出
京確信如聯軍果攻京城礮火所至勢必震驚
宮禁萬一有意外之危險全國人心憤激從此將
不知禍之所止況南方保護之局各督撫均係奉
旨辦理倘各國不顧 兩宮則何以處南方
之各督撫萬望貴領事飛電聯軍各兵官切實詢
明如何辦法萬萬不至震驚我 皇太后 皇
上之實據使南方各督撫及各省民心不至激成
大變務望廿四點鐘內電復萬急至盼乞詢明外

部辦法迅復爲盼等語中堂是否願領銜祈卽刻
電復

李中堂覆張香帥電

七月二十三日

昨電各國駐使商外部大致與來電意同旋接復
電皆謂各使未送出不能商辦似無庸公電頃聞
洋兵已入京城公電亦來不及限廿四點鐘復恐
竟不理奈何希妥酌

張香帥來電

七月二十三日兼致劉峴帥

已照杏翁濛電意致滬各總領事其文曰昨電請
貴總領事飛電聯合軍不致震驚 兩宮急盼

兩日復電係天下臣民急切盼望之忱並無他意
頃接出使大臣電各外部語意均甚好今接出使
日本李大臣電日本政府已允保護 兩宮想
各國篤念邦交用意亦當相同是 兩宮可以
平安南方各督撫聞之萬分感慰東南保護之約
各督撫必當盡力自任請速電貴國政府知照爲
感劉坤一張之洞同電廿三日等語又單銜致日
本領事小田切電云本日復電悉貴國政府已飭
統兵大員保護 兩宮聞之萬分感慰昨電請
兩日連復不過係臣民盼望懇切之忱但恐有人

誤會指爲恫喝致啟猜疑殊於大局有關頃又電
致各總領事申明並無他意務望閣下速與上海
各國總領事代爲解釋勿啟猜疑免致牽動東南
大局至爲感禱盼示復

袁慰帥來電

七月二十三日兼致李中堂江鄂兩帥

有人十八在盧溝橋遇連甘兩樞郎車標奉旨
隨扈旗京人紛逃填道拳匪亦絡繹赴保似五台
之行當非虛傳但在京尙密無宣布宋軍潰紮長
辛店各軍均敗總不能成伍

又七月二十三日兼致李中堂江鄂兩帥

刻接滋帥廿日文開洋兵逼近京畿局勢大變請
飭蘇餉改解山西云又據來人傳述十六早 駕
潛行由草地赴五台云未知確否

寄劉峴帥張香帥

七月二十三日

頃見兩公徑電各領事極佩忠藎惟有廿四點鐘電復
一語恐各國誤會適中西摩立功長江之意且聞西摩
兵已追回請速妥籌

又七月二十三日

袁電

兩宮潛行已確今早致領事電情勢已殊頃
聞各領事會議有云兩帥限時係屬恫喝各國有云電

外部轉聯軍廿四點鐘不及回覆似是有意爲難現已
各電外部定啟猜疑卽令兵艦入江西摩必竭力聳恿
此時北洋敵艦及續調各軍正可南來適中其計可否
乞兩公再電各領事云昨電所請貴領事飛電聯軍不
致震驚 兩宮急盼兩日電復係天下臣民急切盼
望之意頃閱出使大臣來電各外部均允送使出城聯
軍可不入京是 兩宮可以平安南方各督撫聞之
萬分感慰東南保護之約各督撫仍必盡力自任請電
貴國政府知照云云乞速酌辦

劉峴帥來電

七月二十三日兼致滬道

杏翁漾電所慮極是至各領事電香帥於發後始行知會揣香帥限時意無非急於盼復望速告知各領事並無他意以免誤會仍望妥籌善策

寄德州黃花農觀察轉保定廷護院

七月二十三日

烟電洋兵廿一到京

兩宮西行赴五台確否留守

王大臣何人傅相擬候此確信起節

江督劉峴帥致李傅相電

七月二十四日

袁電洋兵入京

宗社震驚生靈塗炭痛澈五

內西狩已確無人主持望公速航海北上設法議款挽救危局遲恐焚燒追襲國之存亡惟公是賴

臨電萬叩祈速復

李傅相覆峴帥電

七月二十四日

兩敬電同此憂危聞使館無恙禍或稍輕西狩未知何所洋兵斷難遠追京內無人主持款從何議應俟事局略定卽航海而北

閩善將軍來電

七月二十四日

北望痛哭奈何奈何旋乾轉坤有無碩畫行在餉需能否設法兌濟乞示

袁慰帥來電

七月二十四日

頃得確探李海城十七日陣亡

劉峴帥來電

七月二十四日

敝處漾電計已達覽香帥限時急促無怪各領生
疑而其意實無他不過欲速得回信今各外部既
允送使出城聯軍可不入京中外可期安全坤等
聞之極爲感慰保護之議永矢不渝候明日商之
香帥另電申明先祈尊處轉告各領電知政府爲
禱

寄北京慶親王

七月二十四日

濟南袁電洋兵廿一入城 乘輿已先西幸想必王爺
留守是否照庚申恭邸成案便宜行事已與各使開議

否滿漢諸臣尙有何人留京辦事李相專候鈞示卽行
航海赴京商辦此電恐濟南專馬不能進京特交日本
領事託其提督福島轉送請速賜復電仍交福島寄滬
寄江鄂蘇浙皖川各督撫帥 七月二十四日

濟南電洋兵廿一入京 兩宮先已西行聞慶邸留
守有照庚申恭邸成案與李相會籌議約並令各督撫
保守疆土之說查庚申北狩曾文正諸公在東南激勵
將士外示鎮定內籌措置今諸帥度越前賢凡土匪竊
發不難彈壓平靖但能將領兵律嚴肅勿致與匪串合
終無大礙洋兵虎視輒謂我兵難恃若一聞匪警舟師

立至東南又難收拾乞格外留意

寄福州善將軍 七月二十四日

奏緩誤事天平使存禍或稍減濟南接滋帥文餉改解
山西如西號難兌只可解現

寄劉峴帥張香帥 七月二十四日

漾敬電昨已通告各領謂帥電無非情急請速電復別
無他意故俄發洋電在後允刪廿四句鐘頃晤小田切
據稱各領接今電或可釋疑然各外部接昨電難免疑
詫請帥電駐使徑告外部云代擬電如下羅使李使昨
因聯軍入京電滬領轉請各國勿驚 兩宮急望日

內電復以慰天下臣民別無他意現聞 兩宮先行

當與留京全權各大臣籌商一面議約一面勦匪迎

駕回鑾東南保護之約各督撫仍當盡力自任請達外
部云羅電末加並轉楊呂裕伍使七字乞酌

張香帥來電 七月二十四日

洋兵入城是否攻入抑係說明接入此層關係最
鉅滬濟想已知慶邸留京議款之說確否隨扈大
臣何人已知否慰帥奉十九日 硃批請查排單
由何處發五日始到濟南似非京城發矣祈速示
劉峴帥來電 七月二十四日

西狩已確晉省電線未修復殊爲焦急祈速設法
趕辦以通 詔奏此事先已奉 旨晉撫當無異
議

又

七月二十五日

承代擬電稿羅李使稿極佩已電香帥挈銜速發
免兩歧事局至此舍嚴辦土匪鎮懾地方外更無
別策坤當盡心竭力爲之北事非傅相不能轉圜
望代達鄙意早日命駕慶邸當亦殷盼也

張香帥來電

七月二十五日兼致峴帥

峴帥有電悉盛敬電代擬致羅李兩使電稿內有

議約勦匪迎鑾等語現在西幸未見明文況外省督撫豈能奉行自任與留京全權各大臣籌商議約茲將原稿酌刪數語其文曰昨因聯軍入京電滬領轉請各國勿驚 兩宮急望兩日內電復以慰天下臣民別無他意現聞 兩宮先行東南保護之約各督撫仍當盡力自任請達外部云羅電末加並轉楊呂裕伍使七字查二十三日用盛擬漾電意電滬領事聲明並無他意已請速電各國政府知照茲再電駐使轉達外部自更周到電文如能照刪卽請峴帥挈銜由江南電發否則

請峴帥單銜發遞候復

寄劉峴帥

七月二十五日

奉有電東南生佛中外信仰傳相北上何可再遲棘手
痛心亦無怪其濡緩行在留守不日必有確耗晉線
奉旨後毀者自毀雖屢飭修仍辦不到現已派員運
料恐難濟急

張香帥來電

七月二十六日兼致李傅相劉峴帥

各國兵已入京各使已安

兩宮雖西行聞榮

相扈送拳匪此時情形斷不隨往解裝四竄勦之
甚易以情理論之各國即當停戰議約以踐前言

傅相既膺全權望速電各國外部先請停戰如京城已派有王大臣議款公法固不應進兵卽或尙未派全權大臣應暫以議約自任力阻各國萬勿進兵追襲 聖駕免致生靈塗炭枝節橫生中外各國俱屬無益此乃天理公法想不能不許祈傅相速復

又 七月二十六日

統國民之大臣皆留京義團必不隨駕矣

寄江鄂皖督撫帥 七月二十六日

楊運司保定漾電十七徐小雲立玉甫聯仙蘅棄市幾

愚齋存彙

卷三十九 電報十六

三 思補樓藏版

及榮相乃逮繫云

李中堂寄倫敦羅使日本李使電

七月二十五日

各國外部前俱有言派兵係專爲援使今聯軍進
京各使無恙似可卽行停戰會議善後應請貴國
速派全權或酌派駐京使臣於中外事必熟悉是
否卽在北京商議鴻俟得確信卽便北上請告外
部轉奏候復示希轉電楊呂裕伍使

保定廷護院雍來電

七月二十五日兼電各直省
將軍督撫

津城於六月十八失陷我軍退守北倉支持兩旬
餘至七月十一北倉不守屢戰屢敗旬日閒外人

直逼通州壽鑑兩帥先後身殉各軍多半潰散

變興於二十一西幸世變至此焦悚憂憤難安寢
饋收復京師請還兩宮二事爲最先要著諸
公當急圖之再以後奏報各摺請探投行在萬
勿遞京爲要

張香帥致李中堂各將軍督撫電

七月二十六日

盛京堂轉楊運司宗濂自保定發漾電云兩

宮十九日由易州赴晉留端莊剛徐崇守趙已到
此等語此信自確惟日前滬傳慶邸留京議款尙
無確音焦急萬狀兩宮出險固可喜然京城

無人議和則大可慮西例雖至兵敗都破但有大臣求和雖在瓦礫上可議若無人與議便是無主之國任便施爲將來京城不能還我矣此時擬請傳相領銜合各將軍督撫聯銜電奏其文曰傳聞之下憂憤莫名竊謂此時援救之策最要者約有三事一曰請派親信王大臣速與各國議款上海洋電傳說派慶親王留京議款不知確否如確甚幸如未派務請速派王大臣十二人擬請明降諭旨特派議款之王大臣與全權大臣電商議款諸事先議停戰止兵一面電各國駐使電告外部

二曰請明降 諭旨派入衛各軍統兵大臣勦辦
拳匪該匪邪術惑人毫無伎倆並不能避槍礮害
國殃民神人共憤種種殘暴橫行屢頒 明旨嚴
禁 宮庭爲難中外皆知今見敵兵難禦將士多
傷相率解帶奔逃竄往保定一帶尤爲巧詐情罪
毫無可原若再不自行速勦各國必縱兵搜殺洋
兵四出畿輔全非我有矣我能痛勦彼自無詞進
兵惟 諭旨聲明拳匪字樣方足杜外人之口近
日各國進兵不過藉口救使勦匪兩事今各使已
獲完全拳匪由我自勦又派重臣議款責以止兵

停戰彼更何詞不然彼藉口匪未實勦必然分兵
四路屠滅畿輔數百萬良民同遭慘禍玉石俱焚
必爲 聖心所不忍甚至藉口勦匪派兵向西路
追襲後患尤不忍言三曰請速頒 諭旨飛飭各
省將軍督撫言 聖駕暫時西幸已派王大臣等
與各國議款妥爲了結飭各省將軍督撫務須照
常辦事鎮定民心保守疆土仍遵前 旨保護各
國商教遇有各種匪徒藉端生事嘯聚焚殺意圖
乘機作亂立即派兵勦平勿任滋蔓擾動大局各
省官民見此 明諭人心自靜內地自安以後諸

事易於結束免致重貽宵旰之憂臣等北望 乘
輿憂憤迫切疚心負罪無地自容竊思惟前二條
可以立時止兵從容議約後一條可以鎮定大局
轉危爲安臣等會商意見相同謹合詞電奏由山
東撫臣袁世凱繕摺馳遞伏祈 皇太后 皇

上聖鑒迅賜施行等語大意如此諸帥如別有良
策請添有不妥處請改望卽刻復請慰帥由六百
里加緊馳遞摺首發端處數語須斟酌妥辦勿迫
未及備擬請傳相酌擬電稿告慰帥爲禱各省復
電到後再發過明日午刻則不候此電並請傳相

錄送盛京堂一閱

李中堂寄倫敦羅使電 七月二十七日

兩宮已出巡拳匪已四散以後必無戰事各國重費兵力殊抱不安除請停戰外希切商外部及時退兵仍派全權會議善後以敦和好卽盼復並速轉楊呂裕伍各使

袁慰帥來電 七月二十七日兼致劉張兩帥

香帥宥感兩電悉十六日京函謂意在拚此十七棄市三員均主和議十八後消息隔絕傳聞甚惡似宜待有確信方可措詞會奏件稿緩辦爲妥乞

裁

張香帥來電

七月二十七日

電奏萬不可發請作罷論切禱盼卽復

又

七月二十七日

探報參差楊運司漾電未盡確做處今晨所發辰
電奏稿關係重大未便遽發必須候傅相將全摺
暨摺首酌定諸帥商妥屆時洞當再與慰帥商酌
務祈慰帥暫勿繕摺並望電復

寄江鄂劉張兩帥

七月二十七日

香帥宥奏三條傅相極佩願領銜乃感電罷論想因楊

運司兩電之故然一誤何堪再誤肇事以來惟疆臣含
詞尙動 聖聽一二今若稍存畏避破巢之下豈有完
卵頃傳相擬將首段酌改仍請電慰帥繕發若端莊剛
徐留京 行在無人阻撓正值宵旰憂煎必能俯納倘
臣子知而不言一無獻替夫亦何忍乞酌示

劉峴帥來電

七月二十七日

閱楊電萬分驚駭究因何事京中目下情形若何
尊處有所聞否傳相何日北上兄是否偕行西幸
已確前會銜諫阻摺無益迄未奉批摺望傳相急
電慰帥飛馬挨站查追勿轉 行在呈遞爲要

王灼帥來電

七月二十七日

香帥宥電三條大背內意端剛諸人留守未必遽肯言和近日誅戮大臣皆異己者此奏一上徒蹈危機無裨國事春已復電不願列銜公意何如乞酌裁

袁慰帥來電

七月二十八日

京來人云各軍不堪再戰均退京西甘軍在良涿一路肆行搶掠甚亂海城吞鴉片自盡猶効陳澤霖奉旨革職効力

劉峴帥來電

七月二十八日

京耗未確難於立言鄂擬三條坤不願列銜卽祈
轉達傅相

又七月二十八日

各處電信先後異詞徒滋焦憤現在要事總以從
駕何人留守何人西兵進城後是何情形三者必
須探聽確實方可酌定辦法卓見當以爲然務望
隨時電示是禱

張香帥來電 七月二十八日

濟南巢委員鳳岡電云二十日 駕始離園袁慰
帥勘電云 兩宮十九仍在京與楊電巢電均

不符究竟已否西幸扈從何人榮相是否隨行獲咎之說確否慶邸是否留京派辦何事曾有明文派令議款否均祈電詢保定楊藝翁速復

袁慰帥來電

七月二十八日兼致李中堂劉張兩帥

洋兵廿一入京是日

兩宮西幸倉猝可想原

議榮董隨扈頃保定電局員稱榮董到保想係相失且行期迄今已八日尙未奉行在隻字究行抵何處果否已離京畿尙無確信已派人並函電各處確探未知何時得復上海洋人消息較捷可否乞中堂杏兄探詢

見前不彙 卷三十一
寄蘇甯東皖鄂湘贛川陝甘新成都各將軍督撫帥月
二十八日

保定有電

兩宮廿一倉猝西幸由易州禮慶兩邸

王趙啟三樞隨扈榮相崇公董提督卽可到保與前電
端莊兩邸剛徐兩相留守似相符

寄江鄂東三帥

七月二十九日

烟台勘電頃閱阿立司登致德京電云廿二日軍已佔
踞王宮 兩宮於十七帶各大員西行由董帶兵三
千護衛約往西安京內現極擾亂已爲各國分佔並由
五大國公舉董事數人議事以便彼此遵守是役日軍

死傷約二百人華兵約死六百名云

劉峴帥來電

七月二十九日

合觀各電榮相確已隨行留守諸人果確將來辦事較易傅相行期未定閱俄外部電似須到京方有辦法第未知他國何如兄似以留滬爲宜

袁慰帥來電

七月二十九日

留守四人未可與言和只假手於敵耳然無人與各國開議敵必擾各省或迫躡大局必裂縱匪輕衅禍烈至此所冀一線生路者傅相已派全權可否卽請各國派員開議但未知各國現意與勦匪

送使原議相符否乞籌示

寄江鄂皖東督撫帥 七月二十九日

楊運司保定宥電稱漾電誤今早榮相崇公到保濂因
創未迎頃得確探 兩宮廿一啟行出居庸由宣大
至太原莊馬扈云

寄劉峴帥 七月二十九日

英疑傳相袒俄並以長江爲重此次保護東南各國敬
佩尤出真心似亦不宜盡諉明日擬往探英領事並商
傳相似須不卽不離不妨稍緩一二日乞商香帥

寄保定楊藝舫都轉 七月二十九日

省電轉呈相覽議款未接各國電復行期未定若照庚申須有留守之王大臣便宜行事方能開議此次慶榮隨扈究竟留守何人 乘輿旣動何遲至洋兵進城而後行日本兵已踞禁城力任保護榮相是否由獲鹿先赴太原布置師創愈否

劉峴帥來電

七月二十九日

頃駐甯英領函接滬總領電奉外部大臣電稱目下北方失和嗣後停戰議和時他國非我所知我英夙重兩江總督及湖廣總督自專恃二人主議威重望隆智深慮遠得不惟命是聽耶合奉聞云

此事非傅相莫能勝任既授全權之命現又寄電各國何以英外部忽有此電恐別有用意應如何答復總須各國合議統歸傅相主持方妥祈速急電復再傳相接英復電並示

袁慰帥來電

七月三十日兼致李中堂江鄂陝督撫帥

有京員逃來述廿一午在京外八里遇閹人稱早五點兩宮出西直門上萬壽山端邸同去有車數百輛榮相出平則門追扈去在良鄉涿州未聞駕過想由北路西行等語請午帥多派健馬確探行在所駐迅速電示至盼因東至北沿途

潰勇士匪擾亂不堪探報甚難通

又 七月三十日

又有京員廿三由京逃抵德州述廿一京陷洋大
隊紮天壇礮向宮施東華被焚廿二晚始停礮廿
三洋兵守各門准出不准入聞 慈聖攜大阿
哥西幸餘不詳知云迭據傳說不一未知 鑾輿
究在何處總以奉 行在文勅爲准

又 七月三十日

京師早陷 兩宮無確音勢將坐以待分傳相
意向如何近與各國電商否峴香有何良策乞密

示

李中堂寄江鄂兩督電

七月三十日

頃日本李使豔電云有電遵達外部頃青木面談
聯軍入京後日廷卽商各國可否停兵除美廷答
電外餘皆不答意可概見鈞處奉 旨在前現外
兵入京情形迥異須另行請 旨並多派王大臣
如慶邸榮相劉張兩帥皆須派入劉張兩帥不必
與各帥面商又 旨內須有引過辭意如此各國
當可開議現難遽派全權又謂將來議款甯償款
勿割地償款如何籌抵伊別有策現尙難明言等

語以上各節青木並屬秘密乞鈞奪等語青木言
甚當請香翁擬稿見示應照所指添派王大臣銜
名勿漏鴻領銜繕發徑遞 行在乞速核示

劉峴帥來電

七月三十日

卅電悉英雖不欲與傅相議事然萬無另議理一
國另議他國效尤不惟受虧益甚且慮和局難成
甯鄂無此力亦無此權總須傅相擔承乃一定辦
法也尊指極當候香帥復到卽查酌復甯英領弟
慮英有他意不能不會商妥協再行復信免生枝
節請轉達傅相爲荷

寄劉峴帥

七月三十日

宣因足疾派陳道善言往探英領據云外部電意似不願與李相議事將來議和時願與兩帥商議又將豔電函送傅相復函云英尙無復電自須各國互商復到乃能會議英領此函如欲與兩江湖廣先議停戰卽請主議挈列敝銜可也希照復鴻云查停戰必須各國會議此次答復駐甯英領轉復外部似可先道感謝接敘豔電傅相旣授全權總須各國會議統歸全權主持本總督仍當力保東南併極願貴國顧全大局商勸各國停戰議款以免久延敗壞商務不勝感盼等情仰蒙下詢

陳備採擇

寄濟南袁中丞

七月三十日

端亦同去豈竟無留守耶傳相咸電各國會議美復中國並未協助救使致各國重費兵力但美廷仍欲停戰惟須北京各處平靖顯明政府確有自能停戰之權美方派員與中國實在任事秉權之政府所派大員會同各國和商云呂使復咸電譯交但云存案不置准駁恐非兵到難開議云德二萬兵外又添民兵七千來意甚惡俄佔東地日多豈肯讓退

劉峴帥來電

八月初一日兼致李傅相張香帥

相卅電悉事局至此何敢推諉惟自請派入全權殊於事體有礙擬請傳相單銜具奏指請添派各銜名若聯奏坤未便列銜香帥想亦謂然

寄太原王中堂

八月初一日由陝撫端午帥轉

師隨扈至太原是否駐蹕留守何人迄無確音聞日本保護宮闕不致焚燬各國提督公舉三洋人管理城內事彼因兩宮離京援庚申成案非有親信王大臣便宜行事均不認爲全權李相屢催不應恐愈久愈壞德俄包藏禍心裂地預政皆不可測請本探各國意請添派慶榮劉張並降旨自責恐非此不開議管見法

敗於德尙堪恢復日本小國亦能自強故成大事宜小
忍也東南土匪隨發隨勦劉張威名頗震滬爲洋兵守
護繩伯全眷住滬兩世兒好

寄西安端中丞

八月初一日

西幸後西線愈急請飭屬切實保護有犯必懲方免毀
壞可否恭錄新章諭旨刊發院示以昭鄭重京津線
斷後各帥緊奏均電慰帥代繕驛遞煩傳相屬弟轉託
我公有請旨添派全權王大臣緊急摺片速繕遞

行在各國因兩宮離京援庚申成案非有王大臣
便宜行事均不認爲全權洋兵駐京不退故此件早到

一日好一日

寄東京李星使

八月初二日

豔東均確 駕抵陽高禮慶端王趙啟隨扈榮崇在保定莊剛似留守傅相已請添派慶榮劉張

寄俄京楊星使

八月初二日

京陷逾旬無信廿七 駕抵陽高慶端各樞隨扈傅相請添派全權電通西安

張香帥來電

八月初三日兼致李中堂劉峴帥

傅相單銜馳奏極是日本外部所言甚見關切各國如肯照日本所言即可開議中國尙有生機惟

諭旨奉到不知何時殊爲焦急洋兵不知又占據幾處矣至令鄙人隨同與議不勝驚悚國是至此豈敢推諉但各國要挾必有難於上陳者洞德輕才庸豈可濫附諸元老之列將來尙須懇辭耳寄成都奎樂帥

八月初三日

鑾駕廿二駐陽高迄無諭旨並不知留守何人各國因兩宮離京局勢迥異不認前派全權昨傅相奏請添派王大臣有明降方能議款榮相廿六到保料理防守再赴行在李劉張各帥均無善策俄在東三省踞要城不少德法大隊月底到華廈門日本又啟衅奈

何

寄劉峴張香帥 八月初三日

自北方匪亂以來長江各省商貨停滯市面敝壞於今
幾及三月不獨中國商民喫虧卽各國商民亦受其害
現在北京失陷人心震動各處會匪多有藉保國爲名
乘機竊發雖經兩帥嚴行懲辦而和局一日不定人心
一日不甯商務愈難振作英在我中國通商五十餘年
長江各埠始有此鼎盛局面今若不出頭聯同美日兩
國趕早調停設或到處匪徒滋擾不獨各督撫疲於馳
勦而各處商埠攪壞如天津情形恐非數十年不能規

復揆之英國亦屬失算且甲午中東之役英不肯早作
調停致落人後曾經英人訾議英領事既稱外部欲請
兩帥主議和局似可將以上情形電該領事力勸英外
部主持兩有裨益乞速賜酌行

保定探員呈李中堂電

八月初三日

壽帥自戕後三印繳內閣筠及中協奉委赴閣取
印十九入城住賢良寺竟夜子彈橫飛黎明扣閣
請印出洋兵已入東城 二聖夜出隨扈馬王

崑孫萬林兵不滿二千由宣化先幸太原朝貴赴
行在者多爲亂兵所劫潰勇沿途搶掠大道諸

州縣蹂躪殆遍靜海新樂拳民復熾榮相不日西
行崇公自縊聞禮邸徐相在京澗公在香山京師
破後太和門六部端莊邸第諸廟皆延燒省防客
軍惟范天貴二營徐得標四營呂本元三營餘軍
潰散大半西去津郡洋人已與華民通商

愚齋存藁卷第三十九